



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno 859. Usque Ad Annum 887

Fleury, Claude

August. Vind. [u.a.], 1760

VD18 90117875

§. 2. Archiepiscopi Trevirensis & Coloniensis.

[urn:nbn:de:hbz:466:1-66112](https://nbn-resolving.org/urn:nbn:de:hbz:466:1-66112)

Sæculum IX. nec ille, qui ordinatus fuit, ad nos venit
A. C. 870. rit & in Concilio iudicatus fuerit.

§. II.

Archiepiscopi Trevirensis & Coloniensis.

Ecclesiæ Trevirensis & Coloniensis jam annis sex vacabant, nempe ex quo Nicolaus Papa Theutgaudum & Guntharium anno octingentesimo sexagesimo quarto deposuerat. Theutgaudus vero Archiepiscopus Trevirensis Romæ vita excefferat, quo se cum Gunthario anno octingentesimo sexagesimo septimo contulerat, invitatus ab Arsenio Episcopo versuti ingenii viro & lucri cupido, qui ambos restitutionis spe lactaverat, ut magna dona eliceret; at Rex Carolus, Regno Lotharii occupato, Proceribus ad consilium adhibitis, Archiepiscopatum Trevirensis Bertulfo Adventii Episcopi Metensis nepoti contulit, ad Coloniensem Ecclesiam promoturus Hilduinum Abbatem, Guntharii fratrem, cui olim Lotharius junior Episcopatum Cameracensem destinaverat. Hunc in finem eundem Aquisgrani Presbyterum iussit ordinari a Francone Episcopo Tungrensi, qui ei Titulum S. Petri in civitate Coloniensi dedit.

Ludo-

Ludovicus Rex Germaniæ ægrota-^{Sæculum IX.}
 bat in Bavaria, dum frater ejus Carolus ^{A. C. 870.}
 possessionem capiebat Lotharingiæ, (hoc
 nomen do Lotharii regno, cujus pars
 exigua erat provincia hodie sic dicta)
 quo nuncio accepto Ludovicus admo-
 dum commotus misit, qui fratrem suum
 rogarent, ut expectaret, donec ejus va-
 letudo confirmaretur, tunc enim melius
 inter ambos de illo regno convenire
 posse. Interim Liutbertum Archiepis-
 copum Moguntinum clam Coloniam mit-
 tit cum mandatis; Hilduini Ordina-
 tionem quacunque demum ratione an-
 teverteret, & Episcopum Coloniensem
 ex Clericis ejusdem civitatis, in quem
 populus consensisset, consecraret. Liut-
 bertus acceptis viæ sociis aliquot Epis-
 copis Diuzam, hodie Duyzium, oppidum
 civitati Coloniensi ultra Rhenum dire-
 cte adversum, celeriter se contulit, non
 ausus fluvium trajicere, ne in manus
 exploratorum Regis Caroli incideret.
 Ibi vero Clericorum & populi Coloniens-
 sis præcipuis ad se accersitis, quid Rex
 sibi præcepisset, exposuit. Responde-
 runt illi, suam Ecclesiam Archiepiscopa-
 lem jam Hilduino esse collatam, ejus-
 dem Ecclesiæ Presbytero ordinato, ple-
 rosque se futuro Episcopo submisisse,
 denique nullo modo fieri posse, ut alium
 eligerent. Quibus Liutbertus: *Si Epis-*
copum

Sæculum IX. *copum eligendi licentia, quam Rex offert,*
A. C. 870. *uti non vultis, in potestate ejus est,*
quemcunque alium, quam ipse voluerit,
vobis invitis dare. Illico mutatis ani-
 mis Guillebertum unanimi consensu e-
 ligunt, virum venerabilem, quem licet
 reluctantem Liutbertus Archiepiscopus,
 superato Rheno, ceteris Episcopis, Cle-
 ricis, populoque comitantibus, ordina-
 vit, atque solemniter in Sedem Colo-
 niensem invexit. His peractis Liutber-
 tus sine mora revertitur.

Rex Carolus, Aquisgrani tunc com-
 morans, hac Ordinatione comperta,
 haud modice offensus, protinus Colo-
 niam contendit, cum vero Guilleber-
 tus, cunctique, quibus in illa Ordinati-
 one pars aliqua fuerat, trans Rhenum de-
 lati, ejus indignationem effugissent, non
 habens in quos iram effunderet, redire
 Aquisgranum cogitur. Hæc itaque fuit
 Ordinatio Archiepiscopi Coloniensis,
 de qua Pontifex conquerebatur. Ve-
 rum nec in ista, nec in causa regni Lo-
 tharingici impetrare potuit, ut Reges
 morem gererent. Guillebertus Sedem
 suam retinuit, & coacto Concilio Co-
 loniæ vigesima sexta Septembris anno
 octingentesimo septuagesimo cum duo-
 bus aliis Metropolitibus Liutberto Mogun-
 tino & Bertulfo Trevirensi præfuit. E-
 piscopis Saxoniam quoque præsentibus
 Dedi.

Dedicatio Ecclesiæ Cathedralis Colo- Sæculum IX.
nienfis Sancto Petro Sacræ celebrata. A. C. 870.
Ceterum Ludovico Rege Germaniæ & Ann. Bert.
Carolo Rege vigesima octava Julii eodem anno octingentesimo septuagesimo
Lotharii regnum inter se partientibus
Civitates Coloniensis & Trevirensis Regi
Ludovico obtigerunt.

§. III.

Carlomannus Attiniaci condemnatur. *ibid. Et to. 8.*

Mense Majo ejusdem anni Carolus At- *Conc. p. 1537*
tiniaci Concilium triginta circiter *p. 1841.*
Episcoporum ex decem provinciis con-
vocaverat, cui Archiepiscopi sex, Hinc-
marus Remensis, Remigius Lugdunen-
sis, Harduicus Vestuntinus, Wulfadus
Bituricensis, Frotarius Burdegalensis &
Bertulfus Trevirensis, Episcopi ex sola
Provincia Remensi decem interfuere.
In eo Concilio jubente patre lata est sen- *Ann. Met.*
tentia in filium Carlomannum, cui *870.*
necdum pueritiam egresso Clericalem *Hincm.*
Tonsuram conferri voluerat, & exinde *Opusc. 32.*
se præsentem ab Episcopo Meldensi Hil-
degario Diaconum ordinari coegerat.
Non nunquam etiam Diaconi officio in-
ter Missæ solemnia Evangelium recitans
functus fuerat, & complures Abbatias
a Rege patre acceperat. At ille rejecta
veste Ecclesiastica, quam invitus susce-
perat, copias in agros deducere cœpit,
spo-